

Lançohet marrëveshja e kredisë në shumën prej 6 milionë eurosh me Bankën e Detit të Zi për Tregti dhe Zhvillim

Fondi "Besa", mbështetje bizneseve mikro dhe SME-ve

M bështetje dhe financim bizneseve mikro dhe të ashtuquajturave SME (ndërmarrje të vogla dhe të mesme). Kjo është ajo që qëndron në thelb të një marrëveshjeje kredisë në shumën prej 6 milionë eurosh me Bankën e Detit të Zi për Tregti dhe Zhvillim dhe Fondit "Besa", nënshkrimi i së cilës u lançua ditën e djeshme gjatë një aktiviteti të posaçëm, në prani edhe të përfaqësuesve të institucioneve financiare në Shqipëri.

LEWITËD


Pse do përdoret kredia?

- Financimi i projekteve të veçanta ose programeve të investimeve për krijimin, modernizimin dhe diversifikimin e projekteve në industri, bujqësi dhe prodhim, si dhe në sektorin e shërbimeve.
- Si kapital qarkullues për bizneset në industri, bujqësi si dhe bizneset e përpunimit, prodhimit dhe shërbimeve e nevojave për financim për kapital qarkullues të projekteve apo investimeve të caktuara.
- Financimin e bizneseve në sektorin e industrisë dhe bujqësisë, të orientuara kryesisht drejt eksportit.



PROFIL

Fondi "Besa" është një ndër institucionet më të mëdha mikrofinanciare dhe lider në Shqipëri, i cili u ofron individëve kredi mikro, të vogla dhe të mesme për të hapur, zgjeruar dhe zhvilluar aktivitete fitimprurëse. Me dhjetëra zyra në gjithë Shqipërinë, ai synon të jetë i pranishëm atje ku ka nevojë për zhvillim, duke u ofruar akses mijëra njerëzve dhe duke u përpjekur t'i mbështesë ata me shërbime financiare, duke krijuar lidhje ndërmjet klientëve dhe mundësive e duke kontribuar kështu në një zhvillim më të madh ekonomik të vendit.



STATISTIKA

Deri në fund të vitit 2013, Fondi "Besa" ka shënuar rreth 27.000 klientë aktive dhe një tepricë kredisë prej rreth 5.4 miliardë lekësh dhe ka dhënë që nga fillimi i aktivitetit rreth 115.000 kredi në vlerë rreth 40 miliardë lekësh.

Nga ana e tij, Drejtori Ekzekutiv i Fondit "Besa" z. Bajram Muça, e ka cilësuar si një moment të rëndësishëm këtë event, pikërisht inicimin e një bashkëpunimi me Bankën e Detit të Zi për Tregti dhe Zhvillim. Kurse zv/presidenti i kësaj banke, Mustafa Boran, i pranishëm gjatë tij, është shprehur se "ne jemi të gatshëm dhe kemi dëshirën e mirë që të mbështesim iniciativat për biznes, për sa kohë ato janë të realizueshme". Pasuar edhe nga një konfirmim i bërë prej ministrit të Bujqësisë, Edmond Panariti me këtë rast, se dikasteri që ai drejton "do të mbetet i hapur për të mbështetur në iniciativat të reja të tilla". Të cilat sipas tij, i japin një shtysë të re bujqësisë dhe agrobiznesit shqiptar. Po cilat janë në vetvete qëllimet për të cilat do të përdoret kjo kredi në financimin e bizneseve mikro dhe SME? Së pari, bëhet fjalë për financimin e projekteve të veçanta ose programeve të inves-

tiveve për krijimin, modernizimin dhe diversifikimin e projekteve në industri, bujqësi dhe prodhim, si edhe në sektorin e shërbimeve. Sikundër, edhe për kapital qarkullues për bizneset në industri, bujqësi si dhe bizneset e përpunimit, prodhimit dhe shërbimeve e nevojave për financim për kapital qarkullues të projekteve apo investimeve të caktuara. Pa harruar as qëllimin e financimit të bizneseve në sektorin e industrisë dhe bujqësisë, të orientuara kryesisht drejt eksportit. Teksa drejtuesit e Fondit "Besa" vlerësojnë nga ana e tyre se realizimi me sukses i kësaj marrëveshjeje kredisë mes tyre dhe Bankës së Detit të Zi për Tregti dhe Zhvillim, përbën në

vetvete një mbështetje dhe vazhdim i misionit të këtij institucioni për të kontribuar në rritjen ekonomike dhe reduktimin e varfërisë së vendit në zonat urbane dhe gjysmë-urbane, e pikërisht nëpërmjet financimit të ndërmarrjeve mikro dhe të vogla në Shqipëri. Sikundër shtojnë edhe faktin se ajo është pjesë e strategjisë së saj në kuadrin e diversifikimit të burimeve të plotësimit të nevojave për fonde dhe realizimit të objektivave ambicioze të rritjes dhe konsolidimit të aktivitetit, si edhe të ndërtimit të një partneriteti afat-gjatë të Fondit "Besa" me donatorë dhe institucione financiare serioze. Teksa vetë Drejtori Ekzekutiv, Bajram Muça pohon seky fond është i vendosur ta rrisë më tej aktivitetin e tij, në ndihmë të zhvillimit të zonave pazhvilluara, rritjes së punësimit dhe rritjes ekonomike të vendit.



E-S



Flet zv/presidenti i Bankës së Detit të Zi për Tregti dhe Zhvillim, z. Mustafa Boran

"Sektori i SME-ve, lokomotivë e vërtetë për rajonin tonë"




qipëri, nga financimi i të cilave do të përfitojnë mjaft shqiptarë, duke qenë se bujqësia dhe agrobiznesi janë sektorë mjaft të rëndësishëm për shqiptarët dhe ekonominë. Gjithashtu, Banka e Detit të Zi për Tregti dhe Zhvillim po kontribuon në zhvillimin ekonomik duke mbështetur individët me financimin e tyre dhe do krijojë kështu hapësira të reja punësimi në Shqipëri. Kjo bankë është themeluar 15 vjet më parë, ku Shqipëria është një ndër aksionerët e saj, përveç Rumanisë, Armenisë, Moldavisë etj. Ajo ka nënshkruar 12 projekte në Shqipëri, me një vlerë prej 106 milionë eurosh, të përqendruara kryesisht në industrinë e çelikut, tele-komunikacionit, shëndetësi dhe sektorin e SME-ve. Ku ky i fundit mbetet prioritet për bankën tonë, pasi shumica e anëtarëve të saj janë vende kryesishme të ekonomisë të vogla dhe për rrjedhojë, sektori i SME-ve, mbetet një lokomotivë e vërtetë në rajonin tonë. Dhe kjo është pikërisht arsyeja që ne i japim rëndësi financimit të sektorit mikro dhe atij të ndërmarrjeve të vogla apo të mesme (SME) në Shqipëri dhe prandaj i financojmë më shumë ato. Ndërsa në tërësi shumica e financimit të SME-ve ka arritur në 130 mil-

ionë euro. Por përveç sektorit të SME-ve, prioritet për Bankën e Detit të Zi për Tregti dhe Zhvillim ka edhe ai i agrobiznesit, energjetikës, turizmit, transportit, si edhe industrisë minerare".

Flet ministri i Bujqësisë dhe Zhvillimit Rural, z. Edmond Panariti

"Besa" jo vetëm agjent financiar, por dhe investitor me guxim dhe me vizion"

"Kjo është një marrëveshje shumë e rëndësishme dhe lançimi i saj është një akt shumë domethënës, një ndihmë e madhe për sektorin e bujqësisë. E ka një arsye përse ajo mbërrin në këtë moment, sepse treguesit e fundit statistikorë tregojnë se bujqësia po rritet, po rritet jo vetëm në tërësi, por veçanërisht në një drejtim të panjohur më parë, siç është eksporti. Po t'u referohemi të dhëna të këtij 5-mujori, rezultojnë se eksportet e frutave dhe të perimeve janë rritur në nivelin prej 23% krahasuar me të njëjtën periudhë të vitit të mëparshëm. Të njëjtin trend pozitiv, ka edhe industria agro-përpunuese dhe ekzistojnë të gjitha mundësitë që ky fond i cili vihet në dispozicion të financimeve të fermerëve por edhe të agrobiznesit, t'i japë një shtysë dhe



impakt akoma më të madh zhvillimit të bujqësisë dhe veçanërisht eksporteve të saj, të cilat gjenerojnë të ardhura për fermerët dhe ndikojnë në rritjen ekonomike. Por ajo që është e veçantë dhe që spikat për Fondin "Besa" është që ai nuk është thjesht vetëm një agjent financiar, por është edhe një investitor dhe kjo e dallon atë nga shumë organizma të



Flet Drejtori Ekzekutiv i Fondit "Besa", z. Bajram Muça

"Fondi Besa, ndër aktorët më të rëndësishëm të sektorit mikro-financiar"

"Ky është një event i rëndësishëm, i cili shënon nisjen e bashkëpunimit me Bankën e Detit të Zi për Tregti dhe Zhvillim. Falë një administrimi të shkëlqyer të portofolit të kreditë, njohjes së mirë të segmentit të tregut ku operojmë, menaxhimit profesional të bashkëpunimit efektiv me institucionet vendase dhe të huaja, Fondi "Besa" ka arritur rezultate të shkëlqyera duke u bërë një ndër aktorët më të rëndësishëm të sektorit mikro-financiar në Shqipëri dhe në Evropë. Edhe në vitet e krizës financiare, Fondi "Besa" tregoi performancë të lartë duke e rritur aktivitetin dhe duke siguruar mbështetje financiare në vazhdimësi nga institucione prestigjioze siç është edhe rasti në fjalë për të cilin jemi mbledhur sot. Në mbështetje të misionit tonë për të kontribuar në rritjen ekonomike, në rritjen e punësimit dhe luftimin e varfërisë së vendit në zonat urbane, gjysmë-urbane e tashmë edhe në ato rurale, nëpërmjet financimit të ndërmarrjeve mikro dhe të mesme, e në veçanti fermerëve në bujqësi dhe agro-biznes, Banka e Detit të Zi për Tregti dhe Zhvillim financoi një linjë kredie në shumën e 6 milionë eurove. Stafi i Fondit "Besa" dhe unë personalisht, garantojmë me

bindje këtë bankë, se ashtu siç kemi dalë të nderuar edhe me donatorë të tjerë, se do të përmbushim me sukses të gjitha detyrimet dhe objektivat tona të vendosura në këtë marrëveshje. Duke shpresuar që kjo marrëveshje të jetë një fillim i mbarë i bashkëpunimit mes dy institucioneve tona, uroj dhe shpreh bindjen që bashkëpunimi mes Bankës së Detit të Zi për Tregti dhe Zhvillim dhe Fondit "Besa" do të vazhdojë gjatë, në shërbim të zhvillimit të zonave më të prapambetura, sidomos atyre rurale, me potenciale të pazhvilluara, duke krijuar mundësinë e rritjes së punësimit dhe përmirësimit të jetës së bashkëqytetarëve tanë".

ngjashëm. Fondi "Besa" me guxim dhe me vizion po investon në mënyrë të drejtpërdrejtë në sektorin e serave dhe ambicjet në këtë sektor janë shumë të mëdha, sepse jam i bindur se ekzistojnë shumë avantazhe konkurruese. E të gjitha këto bëjnë që partneriteti i Fondit "Besa" me Bankën e Detit të Zi për Tregti dhe Zhvillim të jetë shumë dimensional, përveç atyre që u përmendën. E jam i bindur që ky model bashkëpunimi do të ndiqet edhe nga organizma të tjerë financiarë, të cilët nuk do të mungojnë dhe do të jenë dëshmitarë së shpejti, për të financuar Fondin "Besa" por edhe organizma të tjerë të cilët përdorin pikërisht instrumentin e mikro-kreditë të SME-ve si një mjet zhvillimi të bujqësisë dhe agrobiznesit".